



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XXXIII.

urn:nbn:de:hbz:466:1-11453

corporibus, illasi abirent.

CAPVT XXXIII.

Comes Henricus, paruulorū tutor, instructo curru, properauit consolari eos, qui mœrore tabescebant, nuncio cum literis Hamburgensium assumpto, illos properè sequi iussit. Vbi venit Rendesborg, mœstam cum filijs matrem reperit. Iam arcem Gottorpe, militibus permissam, penè pro derelicta habuere. Assurrexit Henricus senior fratrum venienti patruo: à quo, cum tristis & mœrens videretur, benè sperare iussus, omnia in tuto fore pollicitus est: initium se fecisse bonarum rerum. Ostendit literas regi nūctantes hostilia, affuturos quàm primùm ciues Hamburgenses in armis: Arcem Gottorpe non esse tam facile desperandam: quam armis tueri consideret. Animi equior factus dux; cum eis, quas habuit, alis in Gottorpe rediit, literas Hamburgensium iussit regi perferri. Diffunditur fama, Thietmaros & Hamburgenses, multis millibus instructos venire properè. Rex literis conspectis, vera esse ratus, quæ fama diffuderat, contracto suorum concilio, solvendam decreuit obsidionem, ciuitate Slesuico permissa consiliis, sub eis, quas præstiterant, religionibus sacramentorum: Copias reduxit, & in oppidum Ekelenforde expugnandum contendit. Non potuit obsistere tantis viribus immunitum oppidulum. Interim obsidione soluta, pro impensis expeditionum suarum, Gottorpe, Plone, Haseldorpe, Hanroo, ad sexaginta marcharum millia ascendere debita. Inito ille consilio decreuit regi in pignus pro ea pecuniæ summa arces tradere: illo pacto, vt Ericus dux Saxonie eius nomine teneret, donec numerata denuò regi pecunia per duces, iterum ducibus redderetur. Eas condiciones cum rex subire non detrecta-

detrectaret, auertisse eum fertur Ericus Krummedike. Cur tantam perderet pecuniam? armis occupandas fore. Iam regina annis deficiens, in fata concessit, non habens in tantis regnis vel vnum pedem, ubi moreretur: In naui, ad oppidum Flensburg, spiritum efflauit. Omnes deinde in circuitu regi inclinauere. Ericus dux, Holsatia insidiatur, Tode slo oppido in flammis redacto. Magnopolenses duces, ut causam belli prætenderent, dotem sex marcharum millia ex relictis Adolphi nouissimis poscerunt: alioquin hostilia ab illis expectarent: Placabili responso omnes studuit Henricus comes continere.

CAPVT XXXIIII.

DVm impliciti magno bello Holsati detinerentur, Thietmar si pacta foedera iterum violauere: non per iustitiam requirentes, ut debuerant, satisfieri querimonijs: sed armis vindicaturi, in proximam mouerunt Phrisiam. Erat annus quartusdecimus post mille quadringentos. Causam belli prætenderant, quod dudum antea quatuor eorum congenites, pro suis sceleribus, meritis in Phrisia poenas luentes, suspendium pertulere: Id in suam iniuriam omnes retorsere, quod auderent Phrisij nobilem illum suorum sanguinem attingere. Iusta nimirum causa belli gerendi ad vindicandos sues, suis sceleribus meritis poenas olim soluente. Prodiere tamen Eydoram transgressi: Phrisiones obuiam profecti, excepere venientes, & armis collatis ita saluauerunt, ut multi locum acciperent, quem corporibus tegerent: ceteri fugam iniere, multis in Eydora dimersis. Hac clade per terram nunciata, conclamant ad arma. Vindicandum quoque Phrisiones sunt ausi in suos populares. Ita magno iterum agmine perarmato, terram inuadunt proximam: iam igne ferroque plus, quam antea, sentientes.